

زمزم جروحي

جنحت لاجنوح وقلبت قدام
والبيال يرعد ويراقه يلوحي
والوقوفه اللي مداها حفنة اعوام
تقصر عن اسمي وتقصر عن جموحي
عثراتها ما تبذى حذر الاقدام
لاجل اخسر الدرب واضرب عن طموحي
يتنكر السدر للعبر والانسام
وانا صروحي مثل ماهي صروحي
ما تنحني يا قلم صدري لآلام
وذنوبهم بالدنا والعار توحي
شفني ليا اسقيت بالك حبر وارقام
يصير موطن وفتح من فتوحي
هذا انا - وانت الدنيا والآلام -
لا تمخس الذاكرة وتقول : بوحي
هذا انا ، والمكان الموجه السام
لو شفت ضحكي وغريبة مزوحي
أحيان غامض غموضي سر الالهام
وأحيان واضح ، ويقتلني وضوحي

عبدالله سعيد

ارعد وهبات المطر يا غيم الالهام
لا صار قينا عقول وناس توحي
شاعر واذم القلق وظروف الايام
واكتب لابصار ما يمليه بوحي
شاعر خطفت الضياء من فجر الاحلام
واشوف ما فالوضوح الا وضوحي
سيابتي ما درت عن سر الابهام
واسرار غيري مقابرها بروحي
وحي الكتابة نزل يا روس الاقلام
واسلمت للشعر تفكيري ولوحي
من كل ضفة وحيد وكل سلها
نزحت لأخر مدى يغري نزوحي
وتركت لاهل البردى عباد الاصنام
تومي لالاصنام والوجه الصبوحي
في عزلتي ربح وارض وموطن خام
ينبت بها الصمت من زمزم جروحي
للمدعة اللي سرت في رمل الاكمام
للمتعجب اللي قرى قصة جنوحي

تلعثم الثغر

جيتك ملامح .. تجهم منتحي بستريح
ولقيتني في ركن عينك هذب واغتراب
ماقلت لك عن دموعك لو تصب وتسيح
يا احلامي اللي تموت وساقها لي غياب
غنيتي وارتخالك خافق لك فسيح
وشديتني في خيالك للمطر والسحاب
تلعثم الثغر نفحه والمشارك تبيح
عما يجوب المعاني من صميم الجواب
أخطيت ياخي تبلسم في صميم الجريح
واشرد على اللي تبسم باللقاء والعتاب
ان طحت من خنجرك وان قمت شفتي طريح
مدامك اللي بصدري جرح نزف وصواب
افنيت كل الحكي والصمت هجر وضريح
عن مايشوب السريره لاقتفيت السراب
البؤس جرم يهد الروح نزف ويزيح
وانا لك الله وقوفي بين ستر وحجاب
جيتك ملامح .. تجهم منتحي بستريح
ولقيتني في ركن عينك هذب واغتراب!

خالد العزاب

عين رجال

ان ضحكنا ضحكنا مثل الاطفال
وان بكينا مثل شايب حمولة
ياحلو ضحكنا والحرز قتال
والفراق اقشر الله لايقولة
صاحب بي بيع ليل الحرز بريال
واخذ جرحي مع البيعة عمولة
ما لك الا الرضى يا ضايق البال
وماوري كسرة خاطر بطولة
مر شهر رمضان ومر شوال ..
والوطن ضاق بي عرضه وطولة
دمعة وقف في عين رجال
والبكى عيب في سلم الرجولة
صاحب بي «صاح بي» جرحي ولاقال
وش سبب حيرة الوجه وذبولة
صاحب بي صاحبك يكبر ولازال
يعشق الليل واحلام الطفولة
في ثنايا قصيده قمت تختال
كنك تعلمه باللي يقولة

ناصر الحمادين